


Ka Moporesidente Thomas S. Monson



“Fela jaaka ke Lo Ratile”

Dingwa dingwe tse di fitileng tsala e e theilweng leina la Louis o ne a kakanya go nna polelo e e bonolo ka ga mmagwe yo o puo nolo, a le bonolo. E rile a tlhokafala, o ne a sa tlogelela barwa ba gagwe le bo morwadie lesego la madi fa e se bogolo boswa jwa letlotlo mo sekaong, mo setlhabelong, mo khutlong.

Morago ga dipako tsa phitlho di setse di builwe le tsela e e botlhoko go ya kwa mabitleng e setse e dirilwe, lelwapale le le godileng la sekaseka dithoto tse dinye tse mmaabone a ditlogetseng. Mo gare ga tsone, Louis o fitlhetse mokwalo le selotlele. Mokwalo o ne o kaela: “ntlo ya borobalo e e mo kgokgotshong, mo laeng ya kobotlo ya me, go na le letlojana Le tshotse lohomo lwa pelo ya me. Selotlele se se tlaa bula letlole.”

Botlhe ba gaggamalela gore mmaabone o ne a na leng sa boleng jo bo lekanyeng go bewa mo go lotleletsweng le selotlele.

Letlole le ne la ntshiwa mo felong ja boitapoloso mme la bulwa ka matsetseleko ka thuso ya selotlele. Jaaka Louis le ba bangwe ba keleka diteng tsa letlole, ba fitlhela setshwantsho sa ngwana mongwe le mongwe, se na le leina la ngwana le motlha wa botsalo. Louis a ntsha karata e e itiretsweng mo gae. Mo mokwalong o o makekete wa ngwana, o a o lemogileng jaaka wa gagwe, a bala mafoko a a neng a kwadile dingwa tse masome a marato pele: “mme yo o rategang, ke a go rata,”

Dipelo di ne di le nolo, mantswe a nolofetse, matlho a seka dikeledi. Lohomo la ga mme e ne e le lelwapala

gagwe la bo sa khutleng. Nonofa ya lone e ikaegile mo motheong wa lentswe le le ikadileng la “ke a go rata.”

Mo lefatsheng la gompijeno, ga go na gope kwa motheo wa lentswe le le ikadileng wa lorato o tlhokafalang teng go feta mo gae. Mme ga go gope kwa lefatshe le tshwanetseng go bona seka se se molemo sa motheo oo go na le mo magaeng a Baitshepi ba metlha- Eno ba ba dirileng lorato boteng konokono pinagare ya go tshela ga malwapa a bone.

Go bao ba rona ba re ipolelang go bo barutwana ba Mmoloki Jeso Keresete, O neile taolo e e thata:

“Taolo e ntsha Ke a lo e naya, gore lo ratane fela jaaka ke lo ratile, le gore le lona lo ratane.

“Ka mo batho botlhe ba tlaa itse fa lo le barutwana ba me, fa lo ratana.”¹

Fa re ka tshegetsataolo ya go ratana, re tshwanetse go direlana ka go tlhomogelana pelo le tlotlo, re supa lorato lwa rona mo dikamanong tsa letsatsi le letsatsi. Lorato lo ntsha lefoko la pelonomi, karabo ya bopelotelele, tiro ya go sa itebelele, tsebe e e utlwang, pelo e e boitshwarelo. Mo go tsothle dikopano tsa rona, tse le tse dingwe ditiro tse di ntseng jalo di thusa go bonatsa lorato le le mo dipelong tsa rona.

Moporesidente Gordon B. Hinckley (1910–2008) o etse tlhoko: “lorato . . . ke pitsa ya gauta kwa bo khutlong jwa motshe wa godimo. E tswa e feta bokhutlo jwa motshe wa godimo. Lorato le lone le kwa tshimologong, mme mo go lone go tswela bontle jo bo kokoralang go kgabaganya loapi mo letsatsing le le matsubutsubu. Lorato ke thagamo

e bana ba e lelelang, fofomelo ya banana,semanego seo se tshwaraganyang lenyalo, le senosetso seo se dibelang pheretlhego e e senyang mo gae; ke kagiso ya motlha wa bogologolo,marang a tsholofelo a a phatsimang ka loso. Go humile jang bao ba ba ijesang monate mo bokopanonong jwa bone le lelwapa,ditsala, kereke, le bankabone.”²

lorato ke lone konokono ya efangele,bokao bo bo golo jwa mowa wa motho. Lorato ke molemo wa malwapa a a lwalang, baagelani ba ba lwalang, le ditshaba tse di bobolang. Lorato ke monyenyo, ntelo, kakgelo e pelonomi,le poko. Lorato ke setlhabelo,tirelo, le bosaitebelelang.

Banna, ratang basadi ba lona. Ba direleng ka tlotlo le ka boitumelelo. Bokgaisadi, ratang banna ba lona. Ba direleng ka tlotlo le kgwathatso.

Batsadi, ratang bana ba lona. Ba rapelelang, ba ruteng, le go ba pakela. Bana, ratang batsadi ba lona. Ba supetseng tlotlo, tebogo, le kutlo.

Kwa ntle ga lorato lo le itshekileng lwa ga Keresete, Momone o a gakolola, “ga re sepe.”³ Thapelo ya me ke gore re ka sala morago kgakolo ya ga Momone “go rapela Rra etsho ka yotlhe nonofo ya pelo, gore [re] ka tladiwa ka lorato lo, le a le neileng botlhe ba e leng balatedi ba boammaaruri ba Morwa wa gagwe, Jeso Keresete; gore [re] ka nna bana ba Modimo; gore mogang a bonalang re tle re nne jaaka a ntse.”⁴

DINTLHA

1. Johane 13:34–35.
2. Gordon B. Hinckley, “mme e Kgolo ya Tse ke Lorato”, *Ensign*, Mopitlo 1984, 3.
3. Moroni 7:46; bona le yone temana 44.
4. Moroni 7:48.

GO RUTA GO TSWA MO MOLAETSENG O

Moporesidente Moson o re ruta botlhokwa jwa go supa lorato lwa boammaruri le le tshwanang le la ga Keresete, bogolo bogolo mo gae. Ela tlhoko go lopa bao o ba etelang go phuthoga jaaka lelwapa mme ba buisanye ka ditsela tse ba ka supang go ratana thata ka tsone. O ka ba kgothatsa go tlhopa mongwe wa megopolo eo mme ba dira thulaganyo go o diragatsa jaaka lelwapa. sekai, maloko a lelwapa ba ka batla go isa tiro ya sephiri ya tirelo go yo mongwe wa leloko la lelwapa beke ngwe le ngwe. O ka ba lopa gore morago ba akanye ka fa go latelela maikaelelo a bone go okeditseng lorato mo legaeng la bone.

BANANA

Go rapelela kagiso

Ka Sarah T.

Batsadi bame gantsi ba ne ba tsenelela dikopano morago ga kereke,mme ke ne ke lebelela bokgantsadiake ba ba botlana ba bararo mme ke ba thuse go dira dijo tsa motshegare- le mororo ba ne gantsi ba le dipelwana ebile ba tshwerwe ke tlala. Gantsi fa ba simolotse go lwa,ke ka lepolola bothatanyana ka bofefo. Mme nako dingwe go ne go le thata go dira kagiso fa ntwala e setse e simolotse gonne ke ne ke huduega.

Motshegare wa maitsebowa mongwe, bokgantsadiake ba ne ba na le nako e thata go gaisa go agisanya. Ka bona fa maiteko ame a go dira kagiso a ne fela a dira dilo maswe gone ke ne ke ikgophola. Jalo ka itirela dijo tsa motshegare mme ka emisa go bua. Kwa bofelong, ka bolela, “ke ya go rapela. Ka tsweetswe a re ka didimala motsotso?” E rile ba kokobela, ka lopa tshego-fatso mo dijong. Pele ga ke tswala thapelo, ka oketsa, “mme tsweetswe re thuse go nna ba ba agisanyang.”

Kwa ntlheng, ba ne e ekete ga ba utlwa mme ba simolola go lwa gape. Ke ne ke tenegile mme ke ne ke itse fa ke tlhoka go nna lorato le go sisibala jaaka ke ka kgona gonne ke ne ke sa tswa go rapelela kagiso. Mora-go ga motsotso, ka ikutlwa ke sisibetse thata. Ke jele ke sa bue sepe, mme basimane kwa pheletsong ba emisa go lwa. Ke ne ka tlhologanya fa kagiso e ke neng ke e utlwa e ne e le karabo ya thapelo e bori. Ke ne ke rapeletse go nna yo o agisanyang,mme Rra etsho wa Legodimo o ne a nthusitse go sisibala fa go ne go raela go le kalo go goeletsa. Ke itse fa ka boammaruri A ka re naya kagiso. *Mokwadi o nna kwa Arizona, USA.*

BANA

Khumo ya boammaruri

Moporesidente Monson o bolela polelo ka ga mme yo a neng a na le letlole la polokelo. E rile bana ba gagwe ba bula letlole, ba bona ditshwantsho tsa bone. khumo ya ga mme e ne e le lelwapa la gagwe!

khumo ya boammaruri ga se gauta kgotsa mekgaboke batho ba o ba ratang. O rata mang? Tshwantsha letlole la polokelo le le nang le setshwantso sa bone kgotsa maina a bone mo teng ga letlole.



Tefo ya ga Keresete ke tshupo ya lorato lwa Modimo

Ka thapelo ithute tiriso e mme o batle tlhotlheletso go itse se o ka se abelanang.

Tumelo, Lelwapa, Thuso

Go tlhologanya fa Rra etsho wa Legodimo a neile Morwa yo o Tshotsweng a le Esi wa gagwe gore re tle re nne le bosasweng le ya botshelo jo bo sa khutleng go re thusa go utlwa lorato lwa Modimo mo go rona le le se nang selekanyo e bile le sa tlhologasenyege. Mmoloji wa rona le ene o a re rata.

Ke mang yo o tlaa re kgaoganyang le lorato lwa ga keresete? . . .

“Gonne ke a tlhomamisa, go re, go le loso, go le botshelo, go le baengele, go le magosana, go le dilo di le teng, go le dilo tse di tlaa tlang,

‘go le bogodimo, go le boteng, le fa e ka bo e le sebopiwa sengwe se sele, ga go kitla go nonofa sepe gore kgaoganya le lorato lwa Modimo, lo lo mo go Keresete Jeso Morena wa rona. (Baroma 8:35, 38–39).

Ka Tefo ya ga Jeso Keresete, Mogolwane D. Todd Christofferson wa khoramo ya ba ba lesome le bobedi o rile: “pogisego ya Mmoloki mo Gethsemane le tlalelo e e

mahehe ya gagwe mo mokgorong/sefapanong di re rekolotse mo sebeng ka go thehebatsa ditopo tseo tshiamo e nang le tsone mo go rona. O anamisa mautlwelo-botlhoko le go itshwarela bao ba ba ikwatlhayang. Tefo ya ga Jeso Keresete le yone e thehebatsa molato o tshiamo e re o kolotang ka go fodisa le go re duelela pogisego epe e re itshokelang ka go senang molato. ‘Gonne bonang, o sotlegela matlhoko a batho botlhe, ee, matlhoko a dibopiwa tse di tshelang tsotlhe, gotlhe banna, basadi, le bana, ba e leng ba lelwapa la ga Atamo’ (2 Nephi 9:21; bona gape Alema 7:11–12).¹

Keresete o “[re] setile ka fa teng ga diatla [tsa] gagwe” isaia 49:16). Linda K. Burton, Moporesidente wa kakaretso wa Mokgatlo wa Thuso, a re: “tiro e kgolo ya lorato e tshwanetse go isa mongwe le mongwe wa rona go mangole a rona mo thapelong e e bonolo go leboga Rra etsho wa Legodimo go re rata mo

go lekanyeng gore a be a rometse Morwa o o Tshotsweng a le Esi wa Gagwe le Morwa o o boitekanelo go bogela dibe tsa rona, matlhotlhapelo a rona, le tsotlhe tseo eketeng ga di a re siamela mo matselong a rona ka bongwe.”²

Dikwalo tse di Boitshepo tsa tlalaletso le Polelo

Johane 3:16; 2 Nifae 2:6–7, 9; reliefsociety.lds.org

DINTLHA

1. D. Todd Christofferson, “Thekololo,” *Liahona*, May 2013, 110.
2. Linda K. Burton, “A Tumelo mo Tefong ya ga Jeso Keresete e kwadile mo Dipelong tsa Rona?” *Liahona*, Nov. 2012, 114.

Ela tlhoko Se

Re ka itsise jang malebogo a rona le lorato go Modimo le go Jeso Keresete ka ga mpho ya Tefo ya Mmoloki?